



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 115. Variæ Congregationum decisiones.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. A. C. 1615. *tat, ne res in alios nostros emanet, quod sine dubio nocere posset, præterea eos ipsos, quibus hæc dicet, ita animabit, ut non timeant, quasi grave aliquod malum instet.*

Opportunum quoque foret, si ad summum Pontificem desuper scriberet Reverendissimus Nuntius Lucernensis, ideoque R. V. instruat Patrem Crusium, quid ei dicere debeat, sed hoc præsertim, quod majus momentum sit habiturum apud Papam, si ipse, ut Sanctitatis suæ Minister, illuminet, quid nostri isthic sentiant, moneant etiam D. Pfifferum Prætozem, ut in eandem ipse quoque sententiam scribat ad D. Capitaneum, qui ejus sensum Pontifici deferat. Ex his velut ex ungue cognosci poterit, quam intimo doloris sensu Societatis Filii tam providi Moderatoris, Patrisque jacturam deplorarint.

§. CXV.

Variae Congregationum decisiones.

*Congreg.
Concil. ri-
tuum, &
Episc.*

Ampliori adhuc sollicitudine summus Pontifex varia subinde exorta dubia a suis Deputatis decidi præceperat, & quidem die decima sexta Januarii ejus jussu Sacra Episcoporum Congregatio declarabat, non esse imponendam excommunicationem ob festorum violationem, neque contra non audientes quotidie Concionem in quadragesima,

ma, neque adversus polluentes Eccle- Sæc. XVII.
 fiam, & ne quidem facile contra lo- A. C. 1615.
 quentes cum Monialibus: Pariter die
 decima Martii Paulus V. Pontifex Ma-
 ximus singulis Episcopis significari præ-
 ceperat, quod licentiæ celebrandi in
 privatis Oratoriis nonnisi a Sede Apo-
 stolica sint concedendæ, & facultas hu-
 jusmodi licentias dandi adempta sit per
 decreta Concilii Tridentini: declaratum
 quoque die decima Aprilis, quod vi-
 ctus Confessariis diætîm a Monialibus
 nullatenus administretur, sed quædam
 pecuniæ summa quotannis victus loco
 eis persolvatur, Plebani vero non sint
 eligendi ad ordinariam Monialium Con-
 fessionem, nisi Monasterium sit Paro-
 chiæ contiguum, vel parvus numerus
 Monialium, & Parochianorum: Deci-
 dit etiam Sacra Episcoporum Congre-
 gatio die vigesima secunda Maij, quod
 qui commisit delictum, propter quod
 Episcopus in Synodo, vel alias excom-
 municationem sibi reservatam imposuit,
 possit ab eodem Episcopo absolvi, etsi
 absolutionem Sedi Apostolicæ reservas-
 set, nisi fuerit a Papa specialiter con-
 firmata, nec tamen valeant Confessa-
 rii a Laicis deputari vigore Juris patro-
 natus: neque etiam ad Parochum,
 sed ad Regulares in Ecclesiis Regula-
 rium, in quibus exerceri consuevit cu-

Sæc. XVII. ra animarum. Benedictio cinerum, eo-
A. C. 1615. rumque distributio pertineat: item ad
 Regularem Parochum, non ad Regu-
 lares spectet, Dominicis & festivis die-
 bus Confessiones audire, & Excommu-
 nicationes promulgare, uti Congrega-
 tio Episcoporum die tertia Julii defini-
 vit, sequenti vero die declaratum, quod
 aspersorium non sit porrigendum Archi-
 presbytero a digniore Presbytero: con-
 suetudo etiam, ut ipse Archipresbyter
 associetur a Clericis & Presbyteris, si-
 cut Episcopus a Canonicis, tollatur:
 die autem trigesima prima ejusdem
 Mensis exorto dubio in Vercellensi Diœ-
 cesi statuit Sacra Episcoporum Congre-
 gatio, quod Confessarii, si non fuerint
 examinati, quando approbati exstite-
 runt, possint ab Episcopo suspendi, at-
 que examinari: prohibitum quoque die
 undecima Septembris, ne fenestræ in
 Ecclesia aperiantur, per quas in eam
 prospectus habeatur: Mota insuper con-
 troversia inter Tirasonenses Canonicos
 & Magistratum, sacra rituum Congre-
 gatio die tertia Octobris declarabat,
 quod Canonici Cathedralis Ecclesiæ,
 absente Episcopo, vel Sede vacante, in
 omnibus præferendi sint Magistratibus
 laicis, qui non sunt de perpetuis, &
 Majoribus, & Concionatores prius Ca-
 nonicos, quam Magistratus salutare te-
 neant

Sæc. XVII.
A. C. 1615.

neantur: Sancitum quoque die sexta
ejusdem Mensis, quod Episcopi sibi eo-
rum absolutionem reservare non valeant,
qui noctu per civitatem inhoneste ca-
nentes deambulant: declaratum etiam
die duodecima Novembris, quod Re-
gulares in Canone Missæ non valeant
præter loci Episcopum nominare suos
Superiores. Denique die vigesima præ-
fati Mensis stabilitum est, quod Ar-
chiepiscopi, Episcopi, alique Locorum
Ordinarii, ad quos jus approbandi Con-
fessarios spectat, Confessarios Regula-
res alias ab ipsis libere approbatos, ab
audiendis Confessionibus suspendere
posthac minime valeant, nisi ex nova
caussa, eaque ad Confessiones ipsas spe-
ctante, aut ob non servatum interdi-
ctum Ordinarii: nec etiam hanc facul-
tatem omnibus simul unius Conventus
Regularibus Confessariis ullo pacto adi-
mere possint, inconsulta Sacra Congre-
gatione Episcoporum, & Regularium.

§. CXVI.

*Disputatio Polemica inter Jacobum
Kellerum S. J. & Jacobum Hail-
brunnerum Lutheranum.*

Postquam Jacobus Hailbrunnerus, qui *P. Alegamb.*
olim in Wolfgangi Palatini Ducis *Bibl. Script.*
Aula Lutheranum agebat Præconem, *S. J.*

Hh 5

præ-